



## MØTEPROTOKOLL

---

**Utval:** Eldrerådet  
**Møtedato:** 26.11.2013  
**Møtetid:** 13:00 -  
**Møtestad:** Kommunehuset

---

Av 5 medlemmer møtte 5, inkludert varamedlemmer.

<b>Andre som var til stades på møtet:</b>

<b>Møteleiar:</b>	Brigt Olav Gåsdal
<b>Møtesekretær:</b>	Brigt Olav Gåsdal

### **Merknader:**

Sidan førre møte i eldrerådet har Kirsten Lægland gått bort, og dette vart markert med minneord og eit tent ljøs under møtet.

<b>Orienteringar/meldingar:</b>	Leiarens ønske Tore Strømmen velkomen som nytt medlem i eldrerådet.  Eldrerådet gjorde ei munnleg oppsummering og evaluering av arrangementet på eldredagen. Konklusjonen var at arrangementet bør halda fram i åra som kjem.
<b>Utvalet sitt kvarter:</b>	Til utvalet sitt kvarter vart det snakka om den kulturelle spaserstokken og eldrerådet sitt ønske om å vera med på fordelinga av midlane. Denne saka kjem opp på første møte i 2014.  Det kom spørsmål om Kommunal Landspensjonkasse (KLP) tek over pensjonene til dei som alt er blitt pensjonistar når kommunen skiftar pensjonsleverandør. Leiar skal sjekka kva svaret er. (rådmannen har stadfest at alle pensjonar vert tatt hand om av KLP når avtalen er på plass).

**Underskrift frå utvalsleiar/møtesekretær:**

Tysse, 13.12.2013

---

Underskrift utvalsleiar/møtesekretær

Desse sakene vart handsama:

## SAKLISTE

Saker til handsaming på møtet			
Sak nr.	Arkivsak	Sakstittel	Merknad
010/13	13/719	Faste saker	
011/13	13/340	Budsjett 2014	
012/13	13/77	Offentleg ettersyn av planprogram for kommuneplanens arealdel 2015 - 2025	

**SAKNR. 010/13**  
**FASTE SAKER**

**Rådmannen sitt framlegg til vedtak:**

- Møteinnkallinga og saklista vert godkjent
  - Delegerte vedtak/referatsaker vert tekne til orientering
- 

**26.11.2013 ELDRERÅDET**

Handsaming i møtet:

Samrøystes vedtak.

**ELD-010/13 VEDTAK:**

Møteinnkallinga og saklista vert godkjent. Protokollen frå førre møte vert godkjent.

**SAKNR. 011/13**  
**BUDSJETT 2014**

**Rådmannen sitt framlegg til vedtak:**

Framlegg til budsjett for 2014 dagsett 02.11.2013 samt mål for drifta slik dei går fram av rådmannen sine merknader til budsjettframlegget vert vedtekne.

For eigedomsskatteåret 2014 skal det skrivast ut eigedomsskatt på 7 promille på verk og bruk jf. eigedomsskattelova (esktl.) § 3 første ledd bokstav c.

Takstvedtekter for eigedomsskatt i Samnanger kommune vedtatt i kommunestyret xx.xx.xxxx skal gjelda for eigedomsskatteåret 2014, jf. esktl. § 10.

**12.11.2013 FORMANNSKAPET**

Handsaming i møtet:

Første dag: 12.11.13

Økonomisjef Erdal orienterte om rammeoverføringane og kva som ligg i desse, samt kommunen si lånegjeld. Ho peika på konsekvensar og løysingar dette kan få for Samnanger i økonomiplanen 2014-17. Ho informerte også om verknadene av framlegg til statsbudsjett frå regjeringa Solberg.

Rådmannen orienterte om budsjettframlegget for 2014 for dei ulike einingane og om dei måla som er sett. Formannskapet drøfta framlegga til mål. Det var m.a. ein diskusjon om korleis ein skulle formulera seg i høve til mål for handsaming av klager.

I diskusjonen kom ein naturleg nok inn på framlegget til økonomiplan, og store delar av diskusjonen gjekk på korleis ein skal handtera dei store utfordringane framover.

Formannskapet drøfta ulike måtar å skaffa inntekter til kommunen og kva som kan redusera utgiftene. Det vart bestemt at kommunen skulle nytta minimumsavdrag, oppta låna på vilkår av at attendebetalinga ikkje startar før prosjektet er gjennomført og å betala attende over 50 år for lån på sjukeheim og senter funksjonshemma. Jmf. også diskusjonen under sak om økonomiplan.

Utvalet var innom kommunesamanslåing – tidspunkt og verknad og innføra eigedomsskatt på nye område. Situasjonen for ungdomsskulen var særskild løfta inn i diskusjonen. Kva alternativ har ein? Tema som elles var oppe til diskusjon:

- Frivilligheitsentral
- Sal av kommunale eigedomar – strøtomter bustad og Erikajorda
- Tilbakeføring av forskotteringsmidlar tunell Ytre-Tysse og verknaden av det

Formannskapet gjekk igjennom kontrollutvalet sitt budsjett, og økonomisjef vart bedt om å sjekka ut ein del spørsmål med sekretær/leiar for kontrollutvalet. Økonomisjefen ga tilbakemelding om den informasjonen ho fekk frå sekretæren.

Andre dag: 13.11.13

Leiar i kyrkja Britt Haukanes orienterte formannskapet om kyrkja sitt budsjettframlegg.

**Ordføraren** sette fram framlegg om at kontrollutvalet si budsjetttramme vert i samsvar med det som er lagt inn i rådmannen sitt framlegg.

Framlegget frå ordføraren vart samrøystes vedteke.

**Øyvind Røen** ba om å få vurdert gildskapen sin i høve til kyrkja sitt budsjett.

Formannskapet vedtok samrøystes at Røen var gild ved handsaminga av kyrkja sitt budsjett.

Det var ein diskusjon om kyrkja sitt budsjett der nokre ønska å utvida ramma. Det vart ikkje sett fram skriftleg framlegg om dette.

I rådmannen sitt framlegg er det foreslått å låna vel 2 mill kroner av fondsmidlar Sima-Samnanger til finansiering av eigenkapitalinnskot i KLP (pensjon). Formannskapet aksepterte at midlane til breiband – 700.000 kroner – kunne omdisponerast sidan kommunen med tilskot frå fylkeskommunen får realisert fleire prosjekt enn det som var forventa med dei kommunale midlane. Formannskapet såg helst at det ikkje vart brukt av midlar avsett til andre tiltak, men sidan alternativet var å redusera drifta vart dette vanskeleg. I og med det at formannskapet tidlegare i møtet hadde gått inn for å nytta minimumsavdrag på lån fullt ut for å skaffa seg eit noko større handlingsrom i økonomiplanperioden, ville formannskapet heller nytta den eine frigjorte millionen i 2014 til å delfinansiera eigenkapitalinnskotet. Oppsummert vert den kostnaden då finansiert slik

#### **9001.8700**

0.5290	Kjøp av aksjar og andelar	3 926 000
0.9400	Bruk av disposisjonsfondet	- 1 800 000
0.9503	Bruk av Sima – Samnanger	- 1 076 000
0.9700	Overført frå driftsrekneskapen	- 1 050 000

Formannskapet vil ha ein gjennomgang av vedtaket om disponering av Sima-Samnanger midlane. **Mellombels drift** av sjukeheim m.m. i byggeperioden var drøfta. I framlegget er det ikkje lagt inn midlar. Det er i dag ikkje mogleg å seia kva kostnaden vert. Dette vil vera del av planlegginga av mellombels drift som er forventa ferdig til sommaren. Kommunestyret vil få seg førelagd denne planen, og dersom den krev auka ressursar vil det verta fremja som spørsmål om tilleggsføring.

**Brigt Olav Gåsdal (Ap)** sette fram slikt framlegg:

Administrasjonen greier ut ei sak om etablering av frivilligsentral i Samnanger . M.a. organisering og finansiering av tiltaket må drøftast i sakutgreiinga.

#### **Røysting:**

Formannskapet vedtok samrøystes rådmannen sitt framlegg til vedtak med endringa som vist i tabellen over.

Formannskapet gjeikk samrøystes inn for at kommunen skal nytta minimumsavdrag, og at nytt lån til sjukeheimen på 17 mill. skal betalast attende over 50 år med 4 avdragsfrie år. Framlegget frå Gåsadal vart samrøystes vedteke.

#### **FORM-048/13 VEDTAK:**

Rådmannen sitt framlegg til budsjett for 2014 dagsett 02.11.2013 samt mål for drifta slik dei går fram av rådmannen sine merknader til budsjettframlegget vert vedtekne med fylgjande endringar:

Kommunen betaler i dag meir avdrag enn det som er kravet i forhold til minimumsavdrag. Berekning viser at avdraga kan reduserast med ca kr 1 mill. i 2014. Kommunen skal søka Kommunalbanken om avdragsutsetting på kr 1 mill. Løpetida på lånet/ låna skal forlengast.

#### **9001.8700**

0.5290	Kjøp av aksjar og andelar	3 926 000
0.9400	Bruk av disposisjonsfondet	- 1 800 000
0.9503	Bruk av Sima – Samnanger	- 1 076 000
0.9700	Overført frå driftsrekneskapen	- 1 050 000

For eigedomsskatteåret 2014 skal det skrivast ut eigedomsskatt på 7 promille på verk og bruk jf. eigedomsskattelova (esktl.) § 3 første ledd bokstav c.

Takstvedtekter for eigedomsskatt i Samnanger kommune vedtatt i kommunestyret 20.06.2013 skal gjelda for eigedomsskatteåret 2014, jf. esktl. § 10.

Det skal takast opp eit nytt lån på kr 17 mill som skal gå til å finansiera ny sjukeheim. Lånet skal betalast ned over 50 år og ha 4 avdragsfrie år.

Administrasjonen greier ut ei sak om etablering av frivilligsentral i Samnanger. M a organisering og finansiering av tiltaket må drøftast i saksutgreiinga.

#### **26.11.2013 ELDRERÅDET**

Handsaming i møtet:

Samrøystes vedtak.

#### **ELD-011/13 VEDTAK:**

Uttale frå eldrerådet:

Utvalet ønskjer å setja fokus på utfordringa med å ta mot flyktningar som sit i mottak, men som er klare for busetjing i kommunane.

Kan Samnanger gjera meir for å leggja til rette for å ta imot flyktningar? Kan ei kartlegging av ledige bustader vera til hjelp? Kommunen bør synleggjera at dei tilskota som staten yter til busetjing av flyktningar, er alt for små til å dekkja dei reelle utgiftene kommunen får.

Målet må vera at Samnanger vil ta eit ansvar, men at forholda må liggja til rette for ei vellukka integrering, både økonomisk og sosialt.

Vedtaket om frivilligsentral som formannskapet gjorde ved budsjetthandsaminga, må følgjast opp og fremjast for kommunestyret i 1. kvartal 2014.

Eldrerådet vil trekkja fram at me jamt over har eit bra tenestenivå i Samnanger. Kommunestyret må ved budsjetthandsaminga syta for å halda oppe nivået minst på dagens nivå.

### **SAKNR. 012/13**

### **OFFENTLEG ETTERSYN AV PLANPROGRAM FOR KOMMUNEPLANENS AREALDEL 2015 - 2025**

#### **Rådmannen sitt framlegg til vedtak:**

Etter reglane i pbl §§ 11-13 og 4-1 vert framlegg til planprogram for rullering av kommuneplanens arealdel, dagsett 09.10.2013, sendt på høyring og lagt ut til offentleg ettersyn i perioden 17. oktober 2013 til 30. november 2013.

#### **16.10.2013 NATURUTVALET**

Handsaming i møtet:

Rådmannen sitt framlegg til vedtak vart samrøystes vedteke.

#### **NAT-057/13 VEDTAK:**

Etter reglane i pbl §§ 11-13 og 4-1 vert framlegg til planprogram for rullering av kommuneplanens arealdel, dagsett 09.10.2013, sendt på høyring og lagt ut til offentleg ettersyn i perioden 17. oktober 2013 til 30. november 2013.

#### **26.11.2013 ELDRERÅDET**

Handsaming i møtet:

Samrøystes vedtak.

#### **ELD-012/13 VEDTAK:**

Eldrerådet sluttar seg samrøystes til vedtak i naturutvalet sak 57/13.

